



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1063. Usque Ad Annum 1100

Fleury, Claude

August. Vind. [u.a.], 1761

VD18 90117964

§. 27. Epistola Papæ ad Regem Henricum.

[urn:nbn:de:hbz:466:1-66363](https://nbn-resolving.org/urn:nbn:de:hbz:466:1-66363)

Seculum XI. ceterisque Episcopis Longobardiæ sedi-
A.C. 1075. tiosis contra Papam secreto conspiravit;
 unde vana effecta sunt Papæ contra Nor-
 mannos molimina. Quin Guibertus
 opera Hugonis Candidi Cardinalis usus,
 Robertum Guischardum & Henricum
 Regem, aliunde irritatum, contra Gre-
 gorium Papam accendere conatus est.

§. XXVII.

Epistola Papæ ad Regem Henricum.

III. ep. 10. Inter hæc Papa, priusquam Legatorum
 suorum ad Regem missorum respon-
 sum acciperet, dedit ad eum epistolam
 in hunc ferme modum scriptam: *Dice-
 ris cum illis communicare, qui a Sacra
 Sede excommunicati sunt, quod si verum
 est, Benedictionem nostram accipere non
 potes, nisi prius bis a te separatis & ad
 agenda pænitentiam compulsis, tu que-
 que congrue satisfeceris. Quare Excel-
 lentia tuæ suademus, ut celeri confessione
 Religiosum aliquem Episcopum adeas, qui
 te absolvat, & modum injunctæ pæniten-
 tiæ nos edoceat. Ceterum mirum nobis
 valde videtur, quod postquam tot epistolas
 ad nos dedisti amicitiam profitentes &
 promittentes obedientiam, ve tamen &
 factis asperrimum te atque Canonicis San-
 ctionibus adversum ostendis. Ut enim
 de ceteris taceamus, in negotio ad Ecclē-
 siam Mediolanensem pertinente, quo ami-*

no fidem promiseris, eventus manifestat. *Sæculum XI.*
Præterea novissime Ecclesiam Firmanam A.C. 1075.
 & Spoletanam viris nobis ignotis tradi-
 disti. Et infra:

Congregata hoc anno Synodo, cui non
 nulli Fidelium tibi subditorum interfue-
 runt, ut labefactatam Ecclesiæ discipli-
 nam restitueremus Decretum edidimus, ni-
 hil novi, quod nos invenissemus, sed tan-
 tum regulas antiquas continens (nempe
 Decretum de Clericis concubinas ha-
 bentibus) præcepimusque, ut in Regno
 tuo, & ab omnibus aliis Principibus Cbri-
 stianis, reciperetur, & servaretur. Quia
 vero hoc Decretum aliquibus ob introdu-
 ctam malam consuetudinem intolerabile
 videbatur, mandavimus tibi, ut ad nos
 ex Regno tuo viros doctos piosque mitte-
 res, qui nobis insinuarent, quid ad miti-
 gandum hoc Decretum conscientia non re-
 pugnantem relaxare possimus. Sed quanti
 feceris nostra monita, quæ secuta sunt sa-
 tis demonstrant. In fine epistolæ hortat-
 ur, ut faveret Libertati Ecclesiæ, & gra-
 tiam victoriæ de inimicis suis reportatæ
 a Deo sibi collatam grato animo agno-
 sceret. Nempe de Saxonibus, quos præ-
 terito autumno profligaverat. Hæc epi-
 stola octava Januarii anno millesimo se-
 ptuagesimo sexto data est.